



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCLXI. De Resuscitato Filio Viduæ.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

tibus minora media, & Auxilia, & tandem Salute per negligentiam suam excidere. Cave itaque tibi ab hac comminatione; & aliorum profectu in Virtute, præsertim Sanctorum Exemplis (quorum Virtutes, veluti Centurionis Fides, publicò Christi & Ecclesiæ testimonio imitandæ proponuntur) te ipsum confunde, atque ad fervorem excita.

## MEDITATIO CCLXI.

### *De Resuscitato Filio Viduæ.*

LUC. 7. V. 11.

**PUNCTUM I.** *Et factum est: deinceps ibat in civitatem, qua vocatur Naim: & ibant cum eo Discipuli ejus, & turba copiosa. Cùm autem appropinquaret portæ civitatis: ecce defunctus efferebatur filius unicus Matris suæ: & hæc vidua erat: & turba civitatis multa cum illa.* Ecce filius, qui erat unicum gaudium, solatium, & spes viduæ matris, post obitum suum tam ex domo materna, quam ex tota civitate effertur. Sic post mortem ex mente, & memoriâ hominum tum charorum & notorum, tum totius hujus mundi efferemur. Nihili ergo faciendâ est laus & amicitia humana, & ita vivendum, ut hominum memoriâ & ope non indigeamus, & ut, quemadmodum corpus effertur extra civitatem, seu memoriâ, ac vitam socialem hominum in terra; ita Anima inferatur in Cælestem Civitatem, Conversationem, & Societatem Angelorum ac Cælitum. Unde Animæ etiam cura gerenda est, non corporis à vermibus devorandi.

**PUNCT. II.** *Quam cùm vidisset, misericordiâ motus*

H

*super*



*super eam, dixit illi: Noli flere. Et accessit, & tetigit loculum. (Hi autem, qui portabant, steterunt) Et ait Adolescens tibi dico: surge. Et resedit, qui erat mortuus, & cepit loqui. Et dedit illum matri suæ. Ecce DEVS filij unicè dilecti morbum, mortem, imò actua- lem delationem ad sepulchrum summo cum matris luctu permisit, & tandem vivum, ac sanum reddidit. Sic Electis suis adversa permittit, nec statim succurrit; solatur tamen, & opitulatur tempore opportuno. Quantumcunque ergo res adversæ, vel quasi desperatæ eveniant, longanimi Fiducia auxilium & solatium à DEO expecta; & præsertim per Matrem tuam Beatissimam Virginem Christum Misericordiâ movendum spera, ut te à quavis miseria, & morte æterna eripiat. Ille te dabit Matri Suæ, & tuæ, si illius Commiserationem & Intercessionem filiali Observantiæ Amore, Fiduciâ, & Cultu tibi demeraris.*

PUNCT. III. Considera, quòd, si mortuus Adolescens voci Christi, jubentis surgere, tam citò obedi- divit, longè magis voci Christi debeant obedire vi- vi, quicquid ille vel per se, vel per Superiores jusse- rit. Imò ut similiter obediamus, etiam nobis ipsi moriamur. Neque differamus hanc spontaneam mortem nostram: sic enim facilius ad Vitam æter- nam suscitabimur, & ad Vitam Cælestem in terra- agendam. Quod indicare voluit Christus, dum in prima suscitatione puellam duodennem, in hac alte- ra verò adolescentem ipsidem vertens, à morte velut ex- leni somno ad vitam reduxit, dicendo: *Puella, tibi dico: surge.* Marci 5. v. 41. *Adolescens, tibi dico: surge.* Verum quando Lazarum revocavit ad vitam, jam adultæ



adultæ ætatis, & quatrduanum in sepulchro, manibus pedibusque ligatum ( qui est Symbolum hominis tardè conversi ad DEVM, & longa vitiorum consuetudine constricti ) voce magna clamavit : *Lazare, veni foras!* Joan. II. V. 43.

## MEDITATIO CCLXII.

### *De Legatione S. Joannis Baptista ad Christum.*

Luc. 7. v. 19. Matth. II. v. 2.

**PUNCTUM I.** *Et nunciaverunt Joanni Discipuli ejus de omnibus his. Et convocavit duos de Discipulis suis Joannes, & misit ad JESUM dicens: Tu es, qui venturus es, an alium expectamus?* Luc. 7. v. 18. Quemadmodum Christus sæpe interrogavit propter alios, quamvis omnia sciret; ita S. Joannes misit Discipulos suos, interrogatum, non propter se, sed propter ipsos Discipulos, & propter eos, qui audituri erant publicam interrogationem, quando teste Luca v. 20. coram frequente populo legati ad Christum dixerunt: *Joannes Baptista misit nos ad te, dicens: Tu es, qui venturus es, an alium expectamus?* Volebat enim S. Joannes hac interrogatione de se ab hominibus conceptam Messiaë suspicionem in Christum refundere, tanquam manifestis Miraculis jam ab ipso contestatam, & in præsentia Discipulorum contestandam. Hic mos humilium est, ( tibi proinde hic in Exemplum propositus ) ut honorificas de se opiniones in alios derivent, utque omnes quærant occasiones se deprimendi, & alios supra se efferendi, ac magnos reddendi, in quibus